

«Igl curtgegn d'art»

Ple ca 30 artistas ad artists exponan lur ovas d'art a lur artisanats ad Almen

■ (anr/bt) Da vendergis, igls 23 antoca dumeingia, igls 25 da favrer exponan passa 30 artistas ad artists da la regiùn Viamala lur ovas an l'ustreia Landhus, an tgea da scola ad an baselgia reformada ad Almen. Igl evenimaint d'art â liac sut igl tetel «curtgegn d'art». La

pumera a lur fretga ân egna tradiziùn da blears tschantaners an Tumleastga. Ella e igl tema da l'exposiziùn «curtgegn d'art» da quest on, organisada da la squadra da la «KostBar» Amanda Theiler, Gina Chiara a Michelle DeFalque. L'amprema da las tres exposiziùns d'art â gieu liac igls

2013, la tearza avànt dus ons. «KostBar» e igl num digl evenimaint d'art. El sacumpona da «vivanda» a «bar» agl sen dad «ustreia», parquegl ca l'ustreia Landhus e igl liac prinzipal da l'exposiziùn. La proxima «KostBar» â peia liac digls 23 antoc'igls 25 da quest meins.

La «bar» ca dat albiert a dunsena agl art

La «KostBar» e egna platafurma ca porscha la pussevladad ad artistas ad artists da la regiùn Viamala da mussar a far vana lur ovas d'art ne lur artisanats. L'ustreia Landhus porscha las localitads làtier, an las sias stanzas, gio'n tschaler ad agl curtgegn. Uon vean ear antretscheda la baselgia reformada, surtut par exponer la grànda ovra d'art cuminevla «La tschema flurainta». Igl artisanats vignan exponieus an sala comunala an tgea da scola.

Igl fil cotschen da quest on e peia igl tema «art agl curtgegn» ca de culiear las creaziùns artisticas. La pumicultura eara egna funtana d'antradas da la puraglia tumleastgegna durànt igls tschantaners passos. La puma tumleastgegna eara stimada antoca lientsch sur igls confegns. Ànc adigna en igls curtgegns en daletg pigls ils, surtut la parmavera cur ca la pumera flurescha.

L'exposiziùn «curtgegn d'art» vean aviarta an vendergis sera a las 18.00 cun egn pled d'Andrea Hämmerli. A la vernissascha sùna igl duo Felix Rüedi a Mario Giovanoli intermez musicals. La sonda sera cuschegna Rebecca Clopath la tschagna d'art. La dumeingia vean inaugura da l'ovra d'art cuminevla an baselgia suainter igl priedi da ser Thomas Ruf. Alura spetgan igl ansolver ad egn program divertivel pigls unfants.

«Art agl curtgegn» – artistas ad artists

Tobias Budliger, Erwin Christandl, Mina Clavuot, Stefan Fäsch, Daniel Freudiger, Verena Genschow, Annelies Giger, Esther Grischott, Silvia Haltiner, Adelheid Hanselmann, Thomas Hausenbaur, Connie Hauser, Cornelia Hochuli, Alexandra Käch, Peter Killer, Liliane Krauss, Katy Mayr, Philippe Meier-Kessler, Verena Mentti, Walter Monstein, Karin Natter, Margret Nuotclà, Ursina Rasi, Pascale Rime, Andrea Schilperoord, Nicole Silling, Kristin Ströbel, Stephan Stutz, Christian Trepp, Tonja Trottmann, Katharina Vonow, Monika Wasescha

Igl program

Vendergis, 23-2: 18.00 vernissascha cun Andrea Hämmerle, Felix Rüedi + Mario Giovanoli, musica. Davent da las 19.30 «tschagna agl curtgegn» Sonda, 24-2: 18.30 tschagna d'art cuschinada da Rebecca Clopath Dumeingia, 25-2: 09.30 survetsch divin ad inauguraziùn da l'ovra d'art cuminevla «Tscheima flurainta» cun ser Thomas Ruf, musica da Stefan Fäsch. Davent da las 10.30 ansolver.

Program par unfants

Taimps d'avertura:
Vendergis: 14.00–20.00
Sonda: 09.00–18.30;
Dumeingia: 09.00–17.00 an l'ustreia Landhus ad Almen.



La squadra da «KostBar»: Amanda Theiler, Gina Chiara a Michelle DeFalque c'organiseschan l'exposiziùn «curtgegn d'art» ad Almen.

MAD

Detagls tigl program en da vaser sut www.kostbar-almens.ch